



**SINDIKAT METALACA FEDERACIJE BOSNE I HERCEGOVINE**

Sarajevo, Obala Kulina bana 1

Tel./Fax.: ++ 387 33 20 01 76; Email: info@smfbih.ba

Web: www.smfbih.ba

Broj: 01-215-IX/23

Sarajevo, 26.09.2023. godine

**UDRUŽENJU POSLODAVACA FBIH**  
n/r Mario Nenadić, direktor

**PREDMET:** Pokretanje pregovora i zaključivanje Kolektivnog ugovora o izmjenama i dopunama kolektivnog ugovora o pravima i obavezama poslodavaca i radnika za djelatnost prerade metala u Federaciji Bosne i Hercegovine, *traži se*

Poštovani direktore,

Sindikata metalaca Federacije Bosne i Hercegovine dostavlja Vam prijedlog Kolektivnog ugovora o **izmjenama i dopunama** kolektivnog ugovora o pravima i obavezama poslodavaca i radnika za djelatnost proizvodnje i prerade metala u Federaciji Bosne i Hercegovine.

Pored ostalog, predmetnim Kolektivnim ugovorom predloženo je povećanje najniže cijene rada/satnice u skladu sa enormnim rastom troškova života, kojim je praktično anulirano prethodno povećanje najniže satnice od 03.11.2022. godine. Prosječna plata u Federaciji iznosi oko 1260 KM, potrošačka korpa za četveročlanu porodicu preko 3300 KM, s tim da većina radnika u metalnom sektoru ima platu čak i manju od federalnog prosjeka.

Pored navedenog, a na osnovu zahtjeva naših radnika sa terena, predloženo je i povećanje dodataka za noćni, prekovremeni rad, rad u dane sedmičnog odmora i praznika, kao i uvećanje osnovne plate temeljem minulog rada.

Shodno navedenom, predlažemo i pozivamo Vas da u što kraćem roku organizujemo sastanak pregovaračkih timova UP FBIH/Grupacija poslodavaca za djelatnost metalne industrije i Sindikata metalaca Federacije BiH, odnosno otpočnemo pregovore o izmjenama i dopunama Kolektivnog ugovora.

S poštovanjem,

Prilog: **KOLEKTIVNI UGOVOR O IZMJENAMA I DOPUNAMA KOLEKTIVNOG UGOVORA O PRAVIMA I OBAVEZAMA POSLODAVACA I RADNIKA ZA DJELATNOST PRERADE METALA U FEDERACIJI BOSNE I HERCEGOVINE**

Dostavljeno:

- Naslovu:
- a/a



PREDSJEDNIK SM FBIH

Almir Salihović



Na osnovu člana 137., člana 138. stav 2. i člana 141. Zakona o radu (Službene novine Federacije BiH broj 26/16, 89/18, 44/22), ugovorne strane:

1. NA STRANI POSLODAVACA: Udruženje poslodavaca Federacije BiH/Grupacija poslodavaca za djelatnost metalne industrije, koju zastupa predsjednik \_\_\_\_\_
  2. NA STRANI RADNIKA: Sindikat metalaca Federacije BiH, koji zastupa predsjednik Almir Salihović,
- u \_\_\_\_\_, dana \_\_\_\_\_ 2023. godine zaključuju

## KOLEKTIVNI UGOVOR

### O IZMJENAMA I DOPUNAMA KOLEKTIVNOG UGOVORA O PRAVIMA I OBAVEZAMA POSLODAVACA I RADNIKA ZA DJELATNOST PROIZVODNJE I PRERADE METALA U FEDERACIJI BOSNE I HERCEGOVINE

#### Član 1.

U Kolektivnom ugovoru o pravima i obavezama poslodavaca i radnika za djelatnost proizvodnje i prerade metala u Federaciji BiH (dalje: Kolektivni ugovor), član 38. se mijenja i glasi:

„(1) Najniža satnica se utvrđuje kolektivnim ugovorom kod poslodavca ili sporazumom, s tim da netto satnica prije oporezivanja ne može biti manja od 5,68 KM.

(2) Ukoliko troškovi života mjereni indeksom potrošačkih cijena koji objavljuje Zavod za statistiku Federacije BiH, u posljednjih šest mjeseci zbirno porastu 5% i više, obavezno se vrši vanredno usklađivanje najniže satnice iz člana 38. ovog Ugovora, u visini ukupnog porasta indeksa potrošačkih cijena.”

#### Član 2.

U članu 45. Kolektivnog ugovora stav 1. se mijenja i glasi:

„(1) Osnovna plaća radnika povećava se za svaku godinu radnog staža kod tog poslodavca za 0,5% do 0,6%.”

#### Član 3.

U članu 46. stav 1. Kolektivnog ugovora brojevi “4” i “8” zamjenjuju se sa “8” i “14”.

#### Član 4.

U članu 47. Kolektivnog ugovora, stav 1. se mijenja i glasi:

„(1) Radnik ima pravo na povećanu platu za:

- noćni rad najmanje 50% od netto satnice,

- *prekovremeni rad najmanje 50% od netto satnice,*
- *rad u dane praznika koji su po zakonu neradni najmanje 100% od netto satnice,*
- *rad na dan sedmičnog odmora najmanje 30% od netto satnice."*

#### **Član 5.**

Kolektivni ugovor o izmjenama i dopunama Kolektivnog ugovora o pravima i obavezama poslodavaca i radnika za djelatnost proizvodnje i prerade metala u Federaciji Bosne i Hercegovine nakon zaključivanja objavljuje se u "Službenim novinama Federacije BiH" i stupa na snagu narednog dana od dana objavljivanja u "Službenim novinama Federacije BiH.

#### **Član 6.**

Ovaj Kolektivni ugovor o izmjenama i dopunama Kolektivnog ugovora o pravima i obavezama poslodavaca i radnika za djelatnost proizvodnje i prerade metala u Federaciji Bosne i Hercegovine zaključuje se u pet (5) istovjetnih primjeraka.

Broj:

UDRUŽENJE POSLODAVACA U FBiH  
GRUPACIJA POSLODAVACA ZA DJELATNOST  
METALNE INDUSTRIJE  
Predsjednik:

Broj:

SINDIKAT METALACA FEDERACIJE BiH  
Predsjednik: